



Na osnovu člana 64. stav (1) tačka b) i člana 70. Zakona o nabavkama („Službeni glasnik BiH”, br. 39/14, 59/22 i 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH”, broj 32/23), na preporuku Komisije za javnu nabavku usluga poštanske dostave izbornog materijala za Opće izbore 2026. godine broj:07-2-16-3-874-17/26 od 22.07.2026. godine, Centralna izborna komisija Bosne i Hercegovine je na 44. sjednici održanoj 23.07.2026. godine, donijela

O D L U K U **o izboru najpovoljnijeg ponuđača**

- (1) Ugovor o nabavci usluga poštanske dostave izbornog materijala na adrese biračima u inostranstvu za glasanje izvan BiH na Općim izborima 2026. godine dodjeljuje se grupi ponuđača koju čine „Hrvatska pošta“ d.o.o Mostar, predstavnik grupe i „Pošte Srpske“ Banja Luka i „JP BH POŠTA“ d.o.o. Sarajevo, članovi grupe.**
- (2) Ocjenjeno je da ponuđena konačna cijena u iznosu od 1.139.920,00 KM (na ove usluge se ne plaća PDV) je prihvatljiva obzirom da je u okviru procijenjene vrijednosti nabavke.**
- (3) Ponuđaču iz stava 1. ove odluke, će biti dodjeljen ugovor u skladu sa elementima iz Ponude, uslovima i kriterijima utvrđenim u tenderskoj dokumentaciji.**
- (4) Ova odluka stupa na snagu danom donošenja.**

O b r a z l o ž e n j e

Postupak javne nabavke usluga poštanske dostave izbornog materijala na adrese biračima u inostranstvu za glasanje izvan BiH na Općim izborima 2026. godine, proveden je putem pregovaračkog postupka bez objavljivanja obavještenja o nabavci. Poziv za dostavljanje zahtjeva za učešće objavljen je na Portalu javnih nabavki. Do krajnjeg roka za preuzimanje tenderske dokumentacije, istu je preuzela grupa ponuđača koju čine „Hrvatska pošta“ d.o.o Mostar, Put za Aluminij br. 131, 88000 Mostar, vođa grupe ponuđača, „Pošte Srpske“ a.d. Banja Luka, Kralja Petra I Karađorđevića br. 93, 78 000 Banja Luka i „JP BH POŠTA“ d.o.o. Sarajevo, Obala Kulina Bana br. 8., 71 000 Sarajevo, koja je ocijenjena kvalificiranim kandidatom Odlukom broj: 07-2-16-3- 874-7/24 od 01.07.2026. godine.

Nakon poziva za dostavu početne ponude obavljeni su pregovori na kojima nije postignuto snižavanje početno ponuđene cijene u iznosu od 1.139.920,00 KM za 56. 800 pošiljaka pošiljaka do 140 grama, a potom je dostavljena konačna ponuda na isti iznos od 1.139.920,00 KM.

Komisija je sačinila Zapisnik o pregledu i ocjeni početne i konačne ponude u provedenom pregovaračkom postupku bez objavljivanja obavještenja o nabavci broj: 07-2-16-3-874-17/26 od 22.07.2026. godine, u kome je konstatovala i uputila preporuku Centralnoj izornoj komisiji Bosne i Hercegovine za izbor ponude grupe ponuđača čiji predstavnik je „Hrvatska Pošta“ d.o.o. Mostar i zaključenje ugovora za nabavku usluga poštanske dostave izbornog materijala na adrese biračima u inostranstvo za glasanje na Općim izborima 2026. godine, na iznos od 1.139.920,00 KM KM (ponuđač nije PDV obveznik).

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-874-18/26
Sarajevo, 23.07.2026. godine



Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a